

02 AUG 1997

MAHATHIR RASMI PERHIMPUNAN AGUNG MIC KE-51

KUALA LUMPUR, 2 Ogos (Bernama) -- Perdana Menteri Datuk Seri Dr Mahathir Mohamad pagi ini merasmikan perhimpunan agung MIC ke-51 di Pusat Dagangan Dunia Putra di sini.

Dr Mahathir, yang juga pengerusi Barisan Nasional (BN), juga akan menyampaikan hadiah wang tunai kepada pasukan Everest bagi pihak MIC.

Antara yang akan menerima hadiah itu ialah M. Magendran dan N. Mohanadas, dua rakyat Malaysian pertama yang sampai ke kemuncak tertinggi dunia itu pada 23 Mei lepas.

Yang turut hadir pada upacara itu ialah barisan pemimpin parti komponen BN.

Perhimpunan agung itu dihadiri oleh lebih 1,300 perwakilan yang akan memilih tiga jawatan naib presiden dan 23 kerusi Jawatankuasa Pusat (CWC).

Presiden MIC Datuk Seri S. Samy Vellu dan timbalannya Datuk S. Subramaniam menang tanpa tanding pada 19 Julai lepas. -- BERNAMA

ES MS